

肥川縣志

序一二


漢書門	
九〇九三	類
一〇九三	函
三〇九三	架
五〇九三	冊

內閣文庫	
九〇九三	類
五〇九三	函
三〇九三	架
二九〇九三	冊

內閣文庫	
番號	漢 9093
冊數	5 (1)
函號	292 129

地理十卷

共五本





跋

淺草文庫

聖天子御極之二十七年邑侯
 書公涖龍五載廉靜慈惠
 以不擾民爲政簿書之暇
 留心輯志者久之會奉
 府檄慨然以脩明爲任延

訪邑之稍有學識者共相
編輯釗不敏得與載筆焉
夫邑之有志詳紀載覈是
非其體倣於國史設考核
罔據稽訪失真徒事鋪張
炫飾耳目奚以上備輜軒
之採擇乎龍爲百粵首邑
自秦漢來衣冠文物與中
州埒五代以前書缺有間
至宋蘇文定始作志畧洎
明宣成間兩脩之萬歷林
侯增輯復殘於兵燹我

朝文教昌明化被海南邑乘
凡三鏤板東魯潘侯卽彭
志未就者編訂焉戊辰志
成周侯踵而襲之有庚戌
志越十載盛侯重纂網羅
舊聞成一家言迄今二十

餘年時異事殊寧令其脫
畧殘闕使後之人無所考
鏡可乎釗等奉命開局遠
稽近考博采旁搜其間山
川之清淑人文之蔚起物
產之奧衍與夫風俗之奢

儉政治之煩簡生民之休
戚莫不備核其實罔執已
見務合公評有關名教者
雖微必錄無益風化者寧
缺弗書分門別類始星野
終藝文爲卷十二上下千

百年興廢按籍班班可考
是役也叅互考訂焚膏繼
晷三閱月告竣彙輯成帙
折衷于 侯加更定焉乃
付之梓噫茲志之成寧惟
備一時實錄已哉我 侯

治龍之政所以移風易俗
者具見於斯爾候選知縣
甲子科舉人邑人楊廷釗
謹跋

纂修姓氏

龍川縣知縣長白書圖翼南甫纂

儒學教諭鄭達

分校

儒學訓導龐佳先

甲子科舉人楊廷釗

壬申科舉人曾廷玉

巳卯科舉人黃南偉

癸酉科拔貢徐植聖全編

典史薛閩

貢生鍾俊章

羅繼祥

監生黃鶴儀叅較

舊序

鄭志黃序

原序及編校姓氏無考

縉謝溫政之七年癸卯鄭侯

公諱儒莆田人成化十五年任修志顛末詳斯序矣

舊志作邑令鄭欽欽亦莆田人以舉人署本邑命以纂

教諭天順二年任俱載秩官舊志誤書特正之邑乘縉作而曰此邑事也愚邑人安得辭夫邑以子由

重志以子由修寥寥三百禩于茲矣元季同知姜文龍

續成惠陽志邑並列郡故事無可考焉肆我明興太宗

文皇帝欲睿覽天下志命廷臣督修時教授賓質復修

郡志邑事僅一二見英宗睿皇帝復命廷臣詳修而教

授鄧璉復有事于郡焉其所可徵者不殊于永樂之季也侯今奉皇上之德意聘乃弟興寧文學純暨縉典其事竣乃序于簡末曰志以備物垂軌也不軌不物眩觀惑人殊甚今而地理正矣賦役覈矣官師人物詳矣沿革損益彰矣此志之顯無非我侯化民成俗之美意也孔子曰多聞闕疑慎言其餘後之同志者修之復修俾斯志與國家相爲悠久則後之視今又殊于今之視昔矣縉所願也或曰此是非之書也余核實稽典不徇已私知我罪我又何計焉明成化十九年癸卯邑人黃立云自古縣令在漢世如卓魯有聲多拜相封侯考龍川自趙佗而下鮮有以卓異聞者國朝稱陳敬多破賊功尋徵拜吏部左侍郎不次擢用然則綏太平而戡禍亂惟長吏得人難自今觀之殆可恃無虞矣然山海之萌孽易滋地方之安危難測若撫摩控制一或失宜乃驚悍不逞之徒復從而煽惑之得無有囂然思亂者乎惟安不忘危修時政奠民生永消禍源必籍而記之使後至者有所考鏡焉孰非職掌之先務經畧之永圖哉林君卓異才初令浙江之上虞調龍川其治行與漢循

吏等俯仰古今鑒往而繩來悉爲太平萬世計凡吏茲
土者兢兢乎與吏民世守之前事不忘後事之師也然
則周官以外史掌四方之志抑非有見于此乎舉天下
輿圖列在職方者不待延見吏民間文學掌故而了然
于心目之間隨所指陳揣摩曲當此豈持文墨而誇世
空談者哉祖宗時曾兩詔天下具新志以聞副在有司
此亦周官之遺意余薄遊中外所覽方輿探載籍輒深
思不能忘故有感于斯志之成因併及之萬歷六年戊
寅都察院左副都御史南海龐尙鵬序

之盈虛展卷洞然悉關政教可不謂實錄稱信史哉按
秦稱皇帝罷侯置守龍川始爲縣由漢而隋而唐宋治
亂相尋誠不暇遠引姑就近事言之自嘉隆之際及萬
歷改元嶺以東羣盜蜂起暴橫山海間羽檄交馳徵調
旁午所至騷然蓋不獨龍川岌岌矣墮名城執長吏上
書告變頻年不少休其武弁豢養二百年擁兵逗遛自
保不暇冠沐猴而望風辟易豈獨龍川武吏不得其職
哉兵興以來賦役繁苛供億無度龍川自平泖賊後析
置和平疆域非往時而額賦仍舊其何以堪命乎頃有

去紛紛名色創爲簡易法或言便于民終不便于官夫
業其官思拊循其民豈有所利而爲之若就事變通不
相牽制自足以權衡法意于無窮豈令有司坐困哉余
故于兵防民隱拊髀三歎焉若龍川人才自唐宋間多
起家進士或由徵辟歷秘書監官翰林致位孤卿何今
日求瓌璋之才若是寥寥也豈不能稱引前聞人益思
嚮往歟邑本古循州賢士大夫以遷客至者史不絕書
當其忤時竄逐一身若無所容今世代懸殊流芳載籍
官家故相安在哉多士嗣名儒而砥礪風節當知所樹

縉序

林志龐序

原序無考

秦趙佗代任囂爲尉南面稱孤其爲龍川令實自佗始
至今考經畧問封疆佗事不概見豈載籍殘缺抑無可
紀述耶宋元符二年蘇轍徙循州作龍川志畧其詳不
可得而聞矣逮國朝宣德成化間先後纂輯今缺簡垂
百年其法應特書以備殷鑒者皆無從考證當孰任其
責乎夫志古列國之史也豈徒存故實備參考苟爲文
具哉察往古來今而疆理方輿實以是責成主者第有

司急簿書銷沉歲月官非久任遷調不時乃牛羊其民
弁髦其功令而棄之何暇著畫一章程以俟後之君子
若徒疲神纂輯而規畫論著無他長卽工古文詞受成
于左馬將焉用之福清林君令龍川曾未移時亟圖修
縣志敦請鄉縉紳及士之登賢科遊太學者編修詳定
而躬考其成乃寓書介子門人黃孟經來請爲序夫自
周武王至于今蓋二千餘年世運之始終天道之災祥
地利之險易制度之沿革吏治之得失人才之消長禮
教之污隆武備之盛衰錢穀之登耗民俗之淳漓戶口

林志劉序

龍川爲縣自秦趙佗作令其名已久漢晉而下沿革不
一宋因爲循州紹聖初蘇文定公謫居循暇日稍爲循
志循之有紀載自蘇公始明興復爲龍川縣屬惠郡先
後志郡者所重在郡龍川故多畧焉宣德以來有宋侯
志成化末邑人黃縉復加編纂邑事乃稍稍見然距今
百禩無嗣修者其間時異事殊政教之得失人物之賢
不肖漫然靡述後將何徵焉萬歷戊寅邑侯林君治事
之期年邑人士以爲言侯乃銳然爲請于所司捐公堂

羨入爲纂修費延文學之士授以義例纂述成書間以
示余所爲之序余惟志之文則史也史之難久矣無論
三長卽錢穀訟獄簿領之煩今之長民者孜孜矻矻日
不暇給苟非事治民安奚遑及此哉侯之蘊藉與所爲
治龍川者余因是得其概矣余聞古列國各有史今之
郡邑古列國之變也今之郡邑志古列國史之遺也其
文尙雅馴而事貴覈實大要以公紀載明得失使爲理
者通于今昔之變以達乎張弛之宜其于治忽所係顧
不重歟而况龍川故巖邑也趙佗以啟霸而在五嶺之
外唐宋以來以處遷謫之臣故多名賢君子之蹟累遭
兵寇故諸賢戡戢振揀之畧亦大都可考焉而安可無
述茲志也考于故實則信疑審稽于近事則幾微著而
潤飭于侯之博雅則所論敘視昔彬彬矣或謂侯以名
進士出宰百里賢聲藉甚已爲忌者擠移龍川撫時感
遇慨然若有慕于子由之爲者是不然余聞侯之爲理
也修實政而不炫聲名近古良吏矣今夫善治家者先
及其族屬必有譜系至于出入儀訓往往有籍記以遺
其後人今侯之治龍川也若治其家而已矣其所爲譜

系籍記以遺後人者宜無不備而豈怏怏乎聊以紓其
一日之感耶雖然侯之學術無謝子由子由之志寥寥
數百載因侯以光侯亦不謂無心于蘇哉萬歷六年戊
寅翰林院檢討南海劉克正序

林志陳序

龍川志天順以前無刻成化癸卯纂于黃公縉始刻之
今經九十餘禩嘉靖間以嶺表弗靖令茲土者東支西
吾不給且纂輯事非有維持世教之慮者孰主張之林
父母以名進士奉天子簡命宰我疲邑下車嘆曰譬之

撫久病者必調溫和之餌以補其元氣不致關格庶可
瘳乎於是審興革平徭役蘇困窮抑強暴行鄉約保甲
創縣堂公廨與夫高城浚隍興學造士凡百廢墜次第
聿新侯欣然喜曰邇者譬如久隕之家田園器具稍復
其故若非紀載後將何所考而守之昔孔子傷杞宋無
徵良有以也遂諏日開局以纂邑志延夢麟應龍道初
冕孟經相與襄其事麟輩鯁鯁然懼負重命壞重典也
請于侯大旨何以侯曰詳事紀嚴是非余退曰旨哉侯
之言深得聖人修經遺意昔周衰烈赧之世日食不書

時日史官既爲失職故春秋以事繫日以日繫月以月繫時以時繫年雖無事亦書時月何詳也至于尊王人之微貶黜諸侯大夫之貴森然嚴甚余輩得侯之肯綮庶有可據矣然百年散帙漫不成編或相傳于田父野老之口而士夫有不預知襍于稗官小說之筆上官有不可信噫若而然也非惟無以傳信將來適以簧鼓後人耳目乃校讐舊章搜刻遺事及一統志通志會典通考分門別類條具井列咸質于侯講求其故有益者雖微必錄無稽者寧缺弗書至于建設文移關係治體參入弗遺所以詔來非以長諛也竊聞之防民之口甚于防川使有一毫臆見之偏與夫虛誑無實之談非惟無所裨益且穢亂一邑之典章于心獨無愧與今而山川土疆之宜戶口登耗之故里巷什伍之習祭祀供奉之節人材淑慝之辨是是非非較若黑白使後人一閱卷焉則知我侯治龍之政經世之政也我侯所纂之志經世之書也邑其永賴乎志成諸名公敘諸首麟恥弗文無以彰盛美謹述纂輯之由于簡末云萬歷六年戊寅廣西永福縣知縣邑人陳夢麟序

林志劉序

惟秦以前尚矣宅南交于唐藩服于周靡得而詳云稽禹貢惟揚州分野最遠北至淮東南至海龍川東南遠地而西附于海實在要荒之服秦趙佗始爲令入隋開皇置循州以迄唐宋中間興廢不一諸君子相繼拊治日琢月範稱文明域問志僅宋蘓子由作志畧別志國朝宣德成化間兩修之而煙蒙灰散洎今則愈久矣入蜀問史豈緩圖哉周官以大司徒掌土地廣輪之數外史掌四方之志由來遠矣厥後則圖經莫續相日傳舍問其地之故率不能舉間有修者多記繁志寡祇以覽溢緇毫卽氣轍古今較于長卿奚以取重萬歷戊寅觀翁林侯治龍之二年蔚有聲望一歲而數大事舉官不煩而民不擾築陂湖灌溉通濠衛城作堂正大觀皆眦其急且倣者先之詢民瘼正士風諸廢凡秩舉謂邑之大者孰如典籍典籍孰如志哉一不傳則失其真再不傳則兼佚數百年之梗概日以就湮迺徵五人爲志余不文得與載筆焉以戊寅九月始事十一月告竣本通志府志爲詮義主謹嚴有圖表編年有志列傳文藝外

志林侯眎之曰完矣乃復斲之斲之而無疵復加潤飾
乃就梓噫龍之沿革古也形勝古也而民風人才與上
所以休養教化者果唐乎周乎抑秦漢唐宋間乎龍四
面阻山地連潮贛河通廣惠南天之隅百粵之奧區也
可耕之田既少民生其間不竭力則終歲不贍賦輸莫
辨山谷之民終身不見官府雖被屈抑亦罔自直于官
一肆漁獵則雞腸立困惟逃匿質貸以求解不則揭竿
之夾起而休養之爲急俗務農不事商賈質直敦信家
業儒自唐宋以文學稱者彬彬多循中出惟齋志名流
矢列三代之士則在上之崇正學與士之懋明經濟以
不負所舉若馳騫空名蔑實用欣艷上選以獵縉紳之
籍反爲千古指議資也其他兵防貢賦載在令甲者志
獨加詳焉將德意者奉而行之則谿谷篁竹間盡爲法
理漢詔曰粵人之俗好相攻擊斯言也出於高帝之時
則可出于今則不可古稱舜文所居鄙彝而三年成都
彼阻有彝則因人闢也按秦漢南海置郡獨博龍稱巨
邑餘皆隸焉茲邑十倍之抑何密也余先人有言曰向
之治者宜簡節而疎目茲則宜詳且密矣林侯之政解

音川縣志卷之一
焚理結犁然就緒鈐剛囿柔發舒乎山林川澤一無壅
淤其效于園土空虛連年豐登非渺小者得若人悉分
守之則聖化汪濊尙有盜弄兵者吾不之信也其于前
數事業已行之矣乃籍而志之以俟後之厯心民隱者
昔讀周禮謂周公致太平之書如知此庶無忘林父母
所爲纂修之意萬歷六年戊寅四川成都府同知邑人
劉晃序

林志劉序

夫志所以備考閱而垂鑒戒信今傳後莫貴乎詳而核
蓋靡詳則究覈無所徵靡核則是非無所訂雖有簡編
之具亦徒彌文而已胡取乎志哉予龍志修幾百年殘
缺既久誠一邑之根要莫大之曠典林侯涖政方期月
振廢興頽剝弊屏蠹庶績允諧百務俱舉慨舊志之殘
逸新編之未錄也涓日開局屬予輩五人以司攬採編
摩之役侯身親隳括以總其成江淹云修史之難無出
于志予輩既承委命每以難是懼必敬必慎一因舊志
而逐類竄補旁搜博訪或稽之諸史而有典籍之可憑
者或詢之父老而有實跡之可據者一凡政體民風綱

常道誼事關邑里者無微不錄記之必求其詳擬之必求其核不敢錄者不可傳也寧疑以傳疑毋臆度以自恣毋徇情以枉實故董狐之書宣子不能改也南史之簡崔氏不能奪也桓溫不能隱枋頭之敗秦王不隱禁門之恥志之莫貴于詳而核也尙矣然其文雖簡而事之益于舊者不啻倍焉昔歐陽公唐書表云其事則增于前其文則省于舊元城劉氏謂新唐書不及兩漢文章者正在此斯志也得無省之然乎數越月而志成侯遂命鋟梓以行是皆足以明彝倫而敦教化是書一出

邦人快覩孝弟之心自生忠義之風益著正道昭明邪說頓息侯之教民之政偉矣至若條鞭之法載之于志旣詳且悉侯之養民之政雖不一而足而民受惠之大者莫此是過使良法美意行于今日者引而長之永久而不替焉則民之歲受利而無算茲志之有益于民豈小補哉遂書之簡末以俟觀風者採焉萬歷六年戊寅廣西平樂府通判邑人劉應龍序

附編校姓氏

龍川縣儒學教諭德化林 珩

儒學訓導海陽徐允中仝校

四川成都府同知邑人劉晃

福建詔安縣知縣邑人劉祖泗纂緝

廣西平樂府通判邑人劉應龍

廣西永福縣知縣邑人陳夢麟裁訂

王府長史邑人沙道初

湖廣嘉魚縣知縣邑人黃孟經叅較

龍川縣主簿陸川龐文卿

典史萍鄉李銳刊行


彭志原序

今天子勵精圖治遐陬絕域悉入版圖與大小臣工所以考職方而重掌故者詳且備矣乃復

允輔臣請留心文獻而徵志于海內大一統也古者命輶軒四出以採詩謠勒之太史遂為風俗良書故

十五國貞淫奢儉即三百篇而燦如指掌迨詩亡而春秋作則紀月編年已開諸家史筆者一派至

變編年為傳記司馬子長始之而班范輩遂相繼以起沿是而華陽三輔郡邑之志日彬彬盛焉按



粵東通志惠郡于漢僅一龍川著邑而宦績首趙
佗人物首昌明是皆以龍川顯蓋以自秦漢肇有
南海而龍川卽與俱昔人所稱爲全粵首邑者此
也其間興革相仍實繁紀載乃自明萬歷己卯以
來幾及百年竟付殘闕檢其書半飽于蠹魚之腹
者字多不能盡讀母乃貽載筆者羞乎峻齡承乏
茲邑甫下車修舉廢墜卽欲以建學輯志二大事
爲亟亟獨是凋殘衝邑百孔千瘡撫字者方惴惴
然補偏救弊之不暇又何敢遽興土木而漫弄文
墨耶閱年諸竇稍剔乃得進紳士而經營之捐緡
集腋得漸次以告成功今宮牆富美日與諸弟子
員講學評文暇始欲博覽見聞以共紀
新朝政教之光被不意

九重之採訪忽及覺向之未遑卽舉者惕然深省亟取
舊志而閱之見其昔之戶口殷蕃乃凋弊而耗者
半矣昔之田賦充裕自飛詭而逋者浮矣昔之城
郭安堵自蹂躪而闕者十三矣文物不能追踪于
唐宋風俗未必皆登于淳良父母斯民之責者益

龍川縣志 卷之一
滋懼爾雖年來飲冰茹蘖刻意更張凋弊者頗饒
飛詭者頗清蹂躪者頗完葺士樂絃誦民得耕其
田里而猶恐隕越以曠厥職故不禁披圖而愈深
培養之思也繙閱再三與士大夫芟煩補缺縷析
而條分之豈敢謂繼陳詩而竊取其義以自附于
司馬班范之流亦庶幾展卷瞭然聊以補一邑數
十年之曠典耳書成徵諸生徐子斯適陳子繼芳
奉簡帙應檄以共勦郡志予乃作而言曰志也者
郡邑之書也而得共沐君相之咨求志何幸也進

之石渠天祿間珥彤管者必有以潤色太平而觀
民設教則蕞爾龍川咸漸被于光天化日之下將
見民物殷阜人文蔚起如韋學士王工部輩焜耀
彪炳筆不勝書嶺表微臣得藉是以拜手颺言慶
聖世同文之盛是爲序
康熙十一年壬子陽月文林
郎知龍川縣事楚潛彭峻齡撰

附編校姓氏

賜進士出身戶部郎中邑人巫三祝

文學徐榮祖

陳繼芳

徐斯適全輯

潘志原序

今天下大一統久矣海隅日出之域咸歸版圖遐陬

雕齒之倫盡奉貢朔而

聖天子讀書好古日與諸大臣勤求上理宣治保泰會

不少輟諸如

列祖實錄及

大清會典勝國全史莫不

特簡儒臣開館纂修邇者俱次第告成而兼有事於郡

縣之志夫郡縣之志古列國之史也周官太史掌

建邦之六典以迓邦國之治外史則掌四方之志

輶軒亦採列國風謠上之內史是志之攸重由來

尙已乃龍川之爲縣則自秦趙佗始龍川之有志

則自宋蘓轍始盱衡往古史遷但稱陸賈使越考

其經畧不少概見卽子由紀內四十事亦若無關

於循陽之事宜也者何歟豈載紀殘缺無從而考

耶抑今昔時異勢殊前後之不相及耶夫志之爲

言記也亦言備也先其大綱次其節目細大不遺故曰備也豈僅撫拾繁蕪不關典要漫思以紹前代垂後世而已哉好讓承乏茲邑甫視事諸務未遑卽奉撫檄催繳邑志時茫無以應急覓往牒讀之苦無全本鉅砌殘篇又半漫漶蠹敗而不可考蓋是書計萬歷己卯迄今失纂訂者已踰百年前令彭峻齡議修以兵興未果欲問其遺事而父老靡有存者乃謀諸邑紳衿因延文學陳子繼芳駱子萬護徐子斯迅等分帙晰類據事直書退食之暇爲之訂信考疑務期是非不謬以作是邑殷鑒閱三月而告成乃因之有感焉龍邑人材韋學士而後代多聞人兵燹以來大雅稍歇矣龍地連潮贛河通惠廣陸則呼夫水則呼舟軍興以來供億繁多矣龍民性直而俗儉農業而外不事商賈歲一不登則仳離立見蓄儲易盡矣茲書旣成爲之三復流連惴惴焉以不克收養斯民隕越厥職爲懼敢矜論著之長追踪於文定公諸名賢之後哉茲編也由我

朝定鼎上自秦漢中及唐宋近及元明其間或自州而爲縣或自縣而復爲州書治亂志沿革紀人材詳吏治載戶口計賦課展卷瞭然於以彙諸通志並上之石渠天祿間俾珥筆之臣備採之勒成黼黻太平之書

當宁覽厥風尙觀民省方職方之掌故俱在或邀殊恩一札十行如古賜郡國例則全粵之民已治而益治已安而益安庶足副肇修一統志之微意也夫是爲序康熙二十七年戊辰正月文林郎知龍川

縣事東魯潘好讓撰

潘志梁序

今上御極之廿有六載余補司鐸之數月山左潘侯以名進士來令龍川旣下車勤宣

上旨軫念民艱越明年政通民和百廢俱興于是奉憲檄修邑乘延文學諸子分類較讐凡三閱月而志成總若干卷將付梓侯以示余諸子謂余曰先生官號廣文而不一言以爲記可乎余時固謝不敏然有不可辭者自以丙辰讀侯文想見侯之爲

音人馬志 卷之一
人者既久今幸備員僚屬而不克附名于文字之
末豈所稱疇昔之慕哉因是不揣固陋勉強操觚
思夫古之爲志也所以周知天下之山川土田吏
治民風使幽隱不壅於上聞也故虞周之世太史
採風而察貞淫群侯報政而分治忽皆是物也今
我
皇上統御萬邦愍然欲睿覽天下之情形而徵志於郡
邑是輶軒之義也郡邑各以其境之情形悉紀而
獻之

當宁是敷奏之遺也然余考龍川故爲粵東首邑而漢
唐以前紀載不立至宋始有志畧而世遠言湮卽
蘇文定所云四十事皆不復見其筆墨之所存有
明一代四舉輿志龍川僅兩修於邑

國朝定鼎以來屢檄修志乃吏茲土者類以時務雜踏
率草草應故事沱潛彭侯會議舉行亦隨以軍興
不果惟我潘侯以程朱之學兼左國之長慨然以
修明爲已任第龍川志自萬歷戊寅距今百有餘
載邑經兵燹者三紳士家所存舊本皆蠹敗而不

可句讀侯以意聯屬成誦及得他本之稍完者比對無不脗合且一洗金銀魚豕之謬故侯於是編最爲苦心余嘗取侯成藁詳加繙閱其表年以首事則尼山之家法也其先綱而後目則紫陽之宗旨也其傳聞失實不書則古史之闕文也於所紀名宦職官若牛丞相陳吏部諸公遺澤在人而知千古之良牧善政自俎豆於不祧也于所紀人物鄉賢若韋學士王司空諸公懿德可師而知千古之高賢者碩自廟食於宮牆也於所紀地理建置貢賦戶口諸篇其時異勢殊而知百里之形勝豐耗悉在目前賴有賢人君子之拊循經理於勿壞也于所紀

御書萬世師表焜耀鬢序而知

聖朝隆儒重道作人雅化之不遺乎下邑也于所紀夫
船禁牌三戶冊籍諸條事切民生而知憲臺洞悉
民隱美意良法實與我粵人出水火而登衽席也
若夫侯之潔已奉公課士寬徭捐欠除奸皆其仁
義禮智若饑渴之於飲食出於天性之不可解者

故事事可垂史冊紳士請書而侯槩勿許曰予所
惴惴者惟以不克牧養斯民爲懼彼固長吏分耳
何以書爲惟講讀

上諭禁革惡俗諸事紳士以爲大有造於風化皆力強
而後載入故吾又于所紀而見侯之實心實政有
其德而不居其名大遠於粉飾治平者之違道于
譽也故人以爲是編也侯之書也吾以爲實侯之
治也人以爲侯以傳古人之遺愛也吾以爲侯實
以作後人之師資也後之君子讀侯之書因而繼
侯之治卽謂龍川千百載皆賴侯而治可也然而
未足爲侯侈也今大吏皆聰明正直賢者悉注上
上考侯行將爲

天子輔弼臣德澤徧於方州功名垂於國史豈僅纂修
邑乘爲當世誦說云爾哉是爲序康熙二十七年
戊辰陽月龍川縣儒學教諭梁友恒謹序

潘志徐序

古昔盛時太史採詩以播聲歌輶軒之使歲一舉
行而唐儉鄭滂四方風尚周知罔逸予謂今日郡

邑之乘其猶是遺意與蓋邑非志無以考鏡于前
而傳信于後矧我龍邑志自明萬歷年間邑侯林
君諱庭植重修以來迄今已逾百載世遠言湮字
多魯魚事訛亥豕使及今不亟爲編次幾等杞宋
之無徵矣幸

今天子崇道右文

命儒臣纂修前史復令直省各修通志于以尊車書而
大一統甚鉅典也吾邑僻處五嶺之東偏亦得仰
承憲檄而從事焉又恭逢東魯潘侯諱好讓以名
進士來蒞茲土著清慎勤之善政兼才學識之三
長簿書之暇日進諸生分局而叅訂之三閱月而
志成報之上臺許可予披而讀之見夫地輿之形
勝建置之廢興土田戶口之詳悉秩官名宦之廉
能以及選舉人物綸音詞翰莫不皎若列眉燦如
指掌雖其間爲尊者諱爲親者諱爲賢者諱亦不
失春秋善善長惡惡短之意猗與盛哉誠一邑之
良書哉因思編年紀事自麟經一書而已然後世
祖而述之雖言人人殊總不外廣紀載垂勸戒者

近是惟寧詳毋畧寧嚴毋寬始稱佳史紫陽得其
意而爲綱目涑水得其意而爲通鑑歷代得失展
卷瞭然遐哉尙已今有潘侯董之于上諸生佐之
于下行將附之通志上之職方得備

宸聰乙夜之覽濫觴之愆其或免夫子草莽臣也趾伏
林下身將隱焉用文但躬逢盛舉不敢以弁鄙謝
因附數言簡端亦以識同歌咏昇平焉爾康熙戊
辰九月前江南鹽城縣知縣辛酉科文武鄉試同
考官邑人徐斯連謹序

潘志鄭跋

從來歷朝治蹟載諸大府凡繼天開極之主莫不
蒐羅舊章博採羣言會輯百世之典編成一代之
書綱維謨烈昭昭可式以示來茲國之有史厥惟
重哉等而及之邑之有志亦猶國之有史雖疆域
僅一彈丸苟其事有裨風教則草野關乎朝廷稗
官符于正史其義一耳今

聖天子勵精樹德前史聿修輿圖畢採故典新章釐然
昭燦我龍邑會潘侯循治留心民瘼剔弊興利次

第具舉乃以邑志經百餘年來未及修輯殘缺泯沒掛漏不倫豕亥魯魚訛舛可訾大夫之仕于是邦者何以徵信而考疑後學之生長茲土者何以景行而仰止斯亦龍邑一荒畧事也爰是推邑名士五人採訪舊聞啟局扃戶因續前志之遺而裒益之失次者爲之正其先後缺畧者爲之補其罅郤事本從同制有辨異反覆叅稽不厭詳訂非徒徇名撫虛侈繪風露俾後之觀是志者閱封域圖籍可以悉形勝而鏡風俗覽官制科名可以溯前徽而次後懿讀循良之譜仰其休者甘棠峴碑奕世如新誦賢烈之章聆其韻者咀蘂茹冰餘嫩可掬遠則唐宋以來事雖隔而可稽近則勝國之遺制益晰而加詳至我

朝制度因革遠邁百代是書成而良法美意靡不瞭如指掌也豈謂彣彣稗乘有不與國史同類並觀也哉全得與分校因附言于末以告不敏焉康熙乙卯科舉人候選知縣邑人鄭偉全謹跋

潘志巫跋

緬惟方域之書昉於禹貢繼於周禮職方氏迄漢
班孟堅爰作地輿志志者記也山川都邑有記土
物民風有記與夫忠孝節義官師文獻暨賦役之
繁簡制度之興隳莫不有記是以天下有通志有
列郡志列邑志若稽我龍川古帝舜時有神龍疏
泉罄嶽東西交滙於川邑由以名迨周秦疆理南
服惟龍川與南海並著蹟最稱古霸業攸興升爲
州郡幅幘寥廓一望不知其幾百里也乃分設裂
置因之漸蹙覆核宋籍爲圖仍三十有八明初既
鐫厥三十今則僅有六圖其間卓犖人品鴻文偉
業往往湮沒無傳良由陵谷變遷典章散佚多所
闕畧耳今

聖天子崇尚文治搜採遺書舉陬澁之遙悉令編輯以
備流覽兼撫憲加意修理時勤董飭則志之不可
不修也明甚第昔之歷涖斯土者亦每議修而不
果蓋悠悠閱百年所矣諗我潘侯東魯名家道統
正傳于洙泗心法直接乎春秋素優於史才與史
學者也更有心于世教民風者如課多士而振

龍川縣志 卷之一
人文申六諭而導民親通商惠農興利剔弊罔不
提綱挈領期以紹前徽而啓後懿况邑乘尤爲文
治之要者乎侯因慨然自任禮延碩學共襄斯役
由是博綜古今咨訪輿論而誌述刪補一衷侯意
覺事周而覈文辨而裁贍而有體澤而不浮洵一
時之寶錄千古之龜鑑也後之君子觀感而興起
焉其有裨於世教民風寧淺鮮哉玠生也晚每念
志之未修輒不禁悵惘久之必恭逢盛舉重承侯
命序顧安敢以不敏辭祇於諸君子後聊贅數言
深忸其言之弗文云爾康熙辛酉科舉人候選知
縣邑人巫玠謹跋

附編校姓氏

龍川縣儒學教諭南海梁友恒

儒學訓導大埔楊士雋

江南鹽城縣知縣邑人徐斯連

乙卯科舉人候選知縣鄭偉全

辛酉科舉人候選知縣巫玠全輯

文學徐斯迅

何治

沙倬雲

陳繼芳

駱萬護分校

周志原序

龍於嶺海間為縣最古自趙佗令茲土遂開南服
歷二千餘年名仍至今地既久遠意其間經畧制
置紀載於古者事必繁而陸大夫南行紀闕畧無
稽由漢而唐至宋穎濱蘇氏始作龍川志畧第託

以事書考古者難徵迄明宣成間乃有成書萬歷
間林令增修兵燹復殘逾百餘年而彭令有康熙
壬午志又十七年而潘令戊辰志成於是義例始
備又四十餘年

今聖天子御宇海內乂安爰徵郡邑之乘以成一統志
奉憲檄行而之矩正承乏茲土簿書未遑其曷能
操三寸管撫拾往古傳示將來雖然不敢辭也夫
事不鏡於古無以証於今不述於今無為垂於後
今即欲訪古龍川尉所為經制規模則往載既湮

龍川縣志 卷之一
誠不可得然千餘年山川無恙風景不殊約畧猶
在指顧中卽近代志乘之可徵而信者亦古今得
失之林也矧風氣漸闢而隆治道愈趨而盛夫安
知今不異於古所云耶嘗試証之前志觀其制度
之沿革吏治之修廢賦貢之盈虛土俗之貞淫大
率戶口由耗而日登民風由漓而日淳井里由蕪
而日治衣冠文物由汚而日隆此固非守土者敢
矜言旦夕效也蓋數十年來承

列聖厚澤深仁重熙累洽而後乃今彈丸邑非復古者

箚煙蠻兩區也然則志於今者非卽後事之師耶
余故於往古軼事第補其殘餘悉仍前志之舊而
於四十餘年來凡

朝廷之訓典與夫列憲之興利剔弊賢守令之修舉廢
墜以及都里民風之丕變人文節義之蔚起炳著
者詳記於篇上之省志以備輜軒之採後之攷古
者可以觀矣是役也分輯者爲邑文學駱生友麟
鄭生廷樑會生天山而廣文梁君金玉實勳其美
云是爲序雍正八年庚戌秋文林郎知龍川縣事

會稽周之矩譔

周志梁跋

邑之有志非徒覽山川披名勝凡夫人心土俗士習民風厚薄淳漓靡不畢見而要必本夫良司牧者之出其真人品真學術運而為真經濟真猷畧以飾隆平以勳至治蓋正本清源其端自上非苟焉已也龍舊循地秦漢唐宋以來代有名宦後先輝映顧世遠年湮書缺有間矣歷元而明數百年間邑志止聞兩修至我

國朝濟寧潘公踵其事而後四十餘年未聞起而續之者豈歷官斯土者遂無豐功懿績可光邑乘歟抑鞅掌衝繁有志而未逮也今邑侯周公兩浙名儒涖龍三載矣奉

旨纂修通志憲檄到縣取品行端方學問淹貫之儒任其事公乃敦延邑文學駱子友麟鄭子廷樑曾子天山採訪補輯舉前所應入而未入者若干人及公涖任興革有關國是民風者若干事纂集編成携稿商訂並索余言為跋余自揣微末儒官暫署

音人集卷之一
茲士何敢越俎妄叅貽譏固陋且公之德政卓卓
在人耳目矣又何待余之依樣葫蘆爲已而思維
再三不覺恍然有慕夫公之人品公之學術并有
以見夫公之經濟猷畧也曾登公堂謁公聞畧見
公書聯以自警曰宦情淡似水名節重如山又曰
一官敢負生平志百計難酬父母稱噫嘻一行作
吏重宦情輕名節侈父母之名昧父母之實夫獨
非司牧者耶公每念念不忘此也則龍邑中若何除
害若何安民若何剔弊若何釐奸若何返樸還淳
若何興賢育士尙不能劈畫精詳上副

天子子惠元元下協前賢默化體仁雅意與明宋諸公
後先輝映者乎且夫令之猷畧經濟在有爲而人
品學術在有守然未有不能守而可有爲者公
當有爲日凜厥平生志尙肯違道干譽飾智驚愚
舍本來面目下同俗吏所爲哉蓋其所守有大過
人者矣余卽於公之所守想見公人品之端學術
之正經濟從此出猷畧從此懋人心土俗由是而
淳士習民風由是而厚蓋本正者末自從源清者

流自應正不在鋪張德政始知公之大有造於龍
矣又况德政之實被夫龍邑者固已卓卓三子備
志之矣余更可以無贅雍正八年庚戌夏五署龍
川教諭梁金玉跋

附編校姓氏

署教諭事和平縣教諭順德梁金玉較閱

文學鄭廷樑

駱友麟

曾天山校輯

盛志原序

縣之有志猶國之有史也然國史之取材也博而
為史官者又慎選一代言人專司之取材博則無
固陋之譏專其事於一代言人則紀載有法顧自
子長史記而外僅推班范及歐陽五代史而其餘
均可議焉史之難若此志之難亦若是矣昔崔後
渠志彰德康對山志武功具有良史才一府一邑
藉兩先生之筆得掛著作者之口可以信今而傳
後而不同於他所為志之泯泯則志之所係亦良



鉅哉龍川僻在海隅攷覽往昔越王遺蹟獨古而蘇穎濱之謫處人物最著在勝國時海寇外擾徭賊內訌地當孔道阻山負險民困繹騷其凋敝非一朝矣志乘前明邑令凡三鏤板始於宣德間宋公常繼以成化癸卯鄭公儒萬歷戊寅林公庭植今惟林志猶有存者至

國朝邑令彭公峻齡雖爲補輯未有成書康熙戊辰潘公好讓重修付梓今之傳者潘志是已越四十年而周君之矩復補輯之亦未易板緝閱舊本咸謂穎濱龍川畧志實爲邑志所自始遂冠穎濱於作志之首祚取而卒讀之則所謂四十事皆追思平昔而不及龍川一事前此修志諸公皆後先附會而不之攷耳夫穎濱原不必藉龍志以傳而龍志亦正不必附會穎濱而傳也祚固不敢好爲立異以誇前人然襲焉而不爲之正其誤豈惟負慚穎濱且貽後世以固陋之譏無以信今而傳後矣况我

國家

龍川縣志卷之一
聖聖相承仁育義正起凋敝而衽席之間戶口則生齒
日增問賦役則田疇日闢問學校則絃歌日興科
名日振他如風俗昔漓而今淳人物昔衰而今盛
皆當志之以備輜軒之采第向時簡冊攷証無由
因廣爲搜羅遲之又久視祚之成吳川志也爲日
五倍而猶不敢信其無掛漏則取材難也後有良
史才尚其鑒禱昧而潤色之昔乾隆四年歲次己
未三月旣望龍川縣知縣嘉興盛熙祚晴谷甫撰
盛志張序

古者諸侯之國各自有史書成而獻于王王命內
史掌之凡記載大而天地日星人倫政治小而宮
室器幣草木禽魚所以類萬物達四方之志王者
別其同異考其虛實而知其美惡由是進退予奪
激揚勸懲之法行焉其典顧不重歟邑之有乘猶
古制也而予獨謂作志難修志更難左氏公穀同
時撰述而載事釋經人異其名地異其處馬班而
下陳承祚稱良史才乃以十斛米不立丁敬禮傳
于志寧避嫌而佚王通張說大手筆不能無愧碑

龍川系志卷之一
銘是作之難也至于生千百年耳目既有所域而
欲考証得失辨別舛謬譚何容易况古人之書有
不可一律論者如本草題以神農悉編漢時郡國
不得擯以爲僞山海經夏王所紀而援引間及殷
朝不能信以爲真是在考古者之反覆審論也抑
或守殘護闕不克微顯闡幽則孝婦沉寃三年不
雨忠臣碧血千載爲燐名節湮埋安所得馨香俎
豆哉又或因循附會根據未精卽類爾雅螭螭坊
州杜若不免齒冷藝林洵乎修之者之爲更難也

龍川秦趙佗首地隸于南海邑多山谷蜿蜒起伏
數百里相錯雄壯之槩猶在登眺間已未冬子秉
衡南臨潮郡艤舟老龍之麓邑侯晴谷盛君出所
修邑志面山而讀之擊節嘆曰美哉富而不巫清
而不短裁而不俗擅左氏公穀之勝而兼得全龍
之勝者歟盛君抱鴻才其治龍邑政通事舉毅然
以筆削自任德之所助雖賤必伸義之所抑雖貴
必屈虛美隱惡之弊我知免矣子奉

聖天子命視學嶺南與有採風之責觀茲善善惡惡之

聖天得其當將必有感發而興起者其于風俗人心豈
小補哉故樂得而序之若夫著述之源流以及叅
訂綜核之詳且盡義例具在不復贅一詞云乾隆
五年庚申提督廣東廣韶學政翰林院侍讀張灝
序

盛志沙序

世宗憲皇帝御極之九年邑侯盛公以樵李名彥膺人才
舉來涖我龍先是侯試吳川曾修吳志龍人傳而
誦之見其考覈詳確紀述謹嚴有古良史才甫下

車卽以修志請侯曰予于政治未及設施遽著述
是務毋乃昧所先後乎于是相邑先務次第圖之
以學宮爲作興之本乃捐俸勸輸鳩工新之募年
而奕然改觀值歲壬子捷秋闈者三癸丑捷南宮
者二至是咸頌侯之振興爲從前未有之盛也邑
廳事創修日久棟宇將傾傍支以木前此視爲傳
舍弗顧也侯曰修舉廢墜實予之職又捐俸新之
一木一石不煩民間落成之日野有嘉禾之瑞因
以名堂比及三年百廢具舉政尙慈和苞苴盡絕

士慶于庠農慶于野侯之治績彰彰矣乃顧瞻覺
宮猶歉然曰尊經有閣學制尙矣龍獨缺焉未爲
美備也復建閣五楹爲屏于學宮之北明年丙辰
捷南宮者復二人如珣其一也于是復以志請侯
曰志以徵文考獻予爲邑長義安能辭顧志之爲
道事必覈其實文必宗諸古不濫不遺乃可信今
而傳後若因陋就簡魯魚莫辨何以修爲龍自趙
佗開基千有餘歲漢晉五代以前世遠無徵沿及
唐宋韓氏昌黎藍關一咏蘇氏眉山昆季答周循
州龍川畧志諸作昭然在人耳目卽蕞爾彈丸山
川草木小有靈異每足動學士之繫思以抒其鬱
勃迄今建祠勒石載諸簡冊烺炳千秋侯猶課虛
責實不敢率意附和致啓濫觴之弊簿書之餘焚
膏繼晷筆削不假于人是非一秉諸公書成出以
示予予披讀之作而嘆曰美哉備矣真可爲龍之
信史矣惟侯具才學識之三長而實心實政歷有
成效然後援古証今著爲傳書昭茲來許豈飾情
要譽徒以文章表見者可同年而語哉按通志侯

祖觀察公以萬歷癸未名進士分守嶺西靖高雷廉諸郡倭寇粵人尸祝而祠祀之其功績于吳川為尤著侯初試廉之靈山再試高之吳川所至有聲後先繼美今令我龍已歷九載善政難更僕數可謂烈光厥祖矣予因之有感焉先祖阿里沙公元至正間刺史循州有治狀民留之遂家于龍至如珣十三世矣緬維前緒有志未逮讀侯之書惕然深省流連嚮往而不能置觀斯志者謂是不朽之書也歟哉我侯紹前啓後之偉業具見於此矣

因附數言於簡末以志觀感云乾隆四年己未二月丙辰進士邑人沙如珣謹序

附編校姓氏

儒學教諭南海李 炳

儒學訓導欽州李捷槐校正

癸丑科進士巫 榮

丙辰科進士沙如珣

心原採人黃 弘叅訂

壬子科舉人黃 洲

王弼

乙卯科舉人劉灃

丙辰科舉人王啟弘

己酉科拔貢鄒清瑞分校

史于世寧

龍川縣志總目

卷之一

星野 附災祥

輿圖

卷之二

建置沿革 附年表

疆域

山川

城池 附街道

坊都 附食鹽

卷之三

戶口

田賦 附外額

積貯

卷之四

學校

祀典

附社學義學

鄉飲酒禮

官署

屯田軍餉

附郵傳

卷之五

壇廟

附寺觀

津梁

墟市

附

風俗

鄉約

附養濟院

物產

坊表

古蹟

卷之六

秩官

名宦

卷之七

選舉

勅命

卷之八

人物

列女

仙釋

卷之九

事蹟紀年

卷之十

藝文上

卷之十一

藝文中

卷之十二

藝文下


龍川縣志卷之一

知龍川縣事長白書圖翼南甫纂

星野

在天成象在地成形既定兩界之山河還分三垣
之躔位况使臣分遣益州推測不爽毫茫郎官應
垂列宿感召捷如影響仰瞻星光之晦明俯察政
治之得失志星野

北斗圖




牽牛圖



女星圖



三台圖



按禹貢淮海惟揚州揚州之域北至淮東南至海
 是時南越未入禹貢龍川極南海之東境當在揚
 州東南之域十二分野在丑為星紀謂分星以斗
 牛為首日月五星起於斗宿由此以紀眾星也史
 記天官書云牽牛婺女屬揚州漢天文志牛女次
 為星紀地理志及杜佑通典皆以斗牛女為越之
 分野晉志云吳越之分屬揚州粵攷明一統志載
 星次以斗十一度至女七度得二十九度為吳越
 之分蓋參考漢天文地理志杜佑通典而云然也

吳志云志一邑而欲分星無論諸說聚訟難定是非縱使確有所見決不能于蒼茫一氣之中專指彈丸而區別之也楊公載作丙辰志以惠為一隅不能詳說况龍又惠之什一非不欲詳實無可詳也仍其舊說而已

分野曰星紀分星曰牽牛婺女星土曰揚州

按呂氏春秋天有九野地有九州後漢郡國志云

自牛十一度至婺七度

婺女一名須女

曰星紀於辰在丑

為吳越分野揚州之星土也百粵地為揚州南境

龍川在粵境東北乃星紀之次牛女之墟此星土

災之屬於經星者也

於五星為熒惑

星經曰熒惑主霍山楊荆交州僧一行曰觀地之

於兩界江河與天之雲漢始末而分野可知蓋謂星

紀得雲漢降氣為百川下流又斗杓為外庭主治

外故鶉尾為南方負海之國星紀鶉尾負南海熒

惑位焉此星土之屬於緯星者也

於北斗為權星

廣雅曰徐揚屬權斗第四星周禮保章氏註引春
 秋緯文耀鉤云布度定紀分州繫象蒙山以東至
 南江會稽震澤徐揚之州屬權星此九州又分主
 於北斗者也
 於三台為司命下星
 宋天文志三台六星近文昌二星曰上台為司命
 於下一星主荆揚此又分主於三台者也

災祥附

晉惠帝元康元年夏五月熒惑入南斗

梁大同五年冬十月辛丑彗出南斗

隋煬帝大業九年五月丁亥熒惑入南斗

宋仁宗皇祐元年秋九月乙巳太白犯南斗

孝宗乾道八年夏六月丙辰颶風大作

淳熙元年慶雲見

十一年夏四月循州不雨至於八月

元武宗至大三年秋七月循州大水

明太祖洪武元年三月彗星見 壬辰元江西行省

左丞何真降通志四月朔彗星沒蓋何真降附

之兆

成祖永樂三年大水

十六年秋八月善慶廂民黃三奴妻袁氏產三子

俱存有司給廩以食之

憲宗成化元年大水

二十一年大水

孝宗弘治十一年大旱

十六年春三月隕霜

十八年大水

武宗正德十三年春二月雹

世宗嘉靖三年秋八月夜大風揚沙揭石拔樹壞

屋

四年夏四月大旱

七年春三月雹大如雞子迅雷風烈

八年夏旱秋復澇大飢 時潮郡荒甚米斗錢二

十百龍因多運而竭價浮于潮民有賴竹實以活

十者

九年大旱 時連年發蟲毛黑食松葉盡而立枯

冬月作繭松枝上冬末乃化盡故頻年米貴

十年夏四月大水

十二年冬堅冰間有雹大如匏樹木催折鳥獸

八搏死

十三年螟禾自僵死

十六年夏六月大水東壩坊室廬飄蕩溺者幾百

人相傳水之大前此未有也

十八年秋九月無雷而震

二十二年秋八月不雨至明年春正月雨

二十三年二月不雨至六月雨

二十四年荒民食芋蕨

二十六年春二月大雨雹

二十七年夏四月大雨水冬十一月雹

二十九年春二月大雨雹和平尤甚墜殺牛羊甚

衆

三十年夏六月大水

三十一年春大雷雨程鄉單竹樓盜犯龍川

四十二年夏五月大水

穆宗隆慶元年夏大飢 斗米二緡民轉于溝壑者甚衆貧家子女斗米可鬻

秋九月災 北門外民鄒鳳狃失火延及城中民居十燬其六或越數家而突起者焚死甚多傷者無算哀聲徹天學廟俱燬

五年五月大水 視嘉靖丁酉漲三尺城內外土屋潰盡東壩一帶民居漂沒無餘土崩過半諸鄉山谷有全崩者

神宗萬歷二十一年龍川恒雨逾年三月乃止

國朝世祖章皇帝順治十一年夏五月大水山多崩裂

十二年春正月大雪平地厚三尺晴三日乃消

十三年春正月大雪深三四尺

十五年冬十一月無雨逾年四月乃雨

十八年辛丑五月大水 浸溢縣城小東門大東

門等街操舟直抵縣署 六月大寒

聖祖仁皇帝康熙三年甲辰彗星見民逃徙江西虔州等

十處甚衆

十年冬野草生穀

十七年大水

十九年夏五月大風

二十年秋大旱

三十三年甲戌大水

三十五年丙子六月六日大風雨雹寒若隆冬

秋八月隕霜殺禾

三十六年丁丑大飢 時荒甚斗米錢三百餓殍

甚衆知縣王璞勸各富戶煮粥賑飢

四十六年丁亥大水

四十七年戊子三月地震

五十一年壬辰夏淫雨北方一帶城圯

五十七年戊戌三月雨雹

五十九年庚子五月大水 時有屋崩無依者城

守彭殷賢賑粥飯三日

六十一年壬寅六月大水 時環城皆為水浸所

餘僅北一隅城中蕩舟往來土屋湮沒無算城

守俞海臣親赴援溺民甚德之

世宗憲皇帝雍正元年十月蟲咬禾蒂

四年四月大飢 時斗米錢二百餘民飢 知

縣趙文明詳請發倉減價賑民民賴以甦

五年丁未復飢 時潮郡荒甚龍邑東路通潮商

賈販運米價陡長復如往歲

今上乾隆六年辛酉五月初四日大水

七年壬戌正月雨雹春大旱六月復大雨雹

十年乙丑二月澗步窰頭四都三堡及義都約黑

蟲食麥苗最甚他處無

十五年庚午四月朔大水 時通邑田地多蕩壞

新築東壩堤尾崩

秋七月初十日大水 東壩堤尾復崩 天后宮

及古榕樹俱倒 通衢下阪橋衝壞

十七年八月初五日大水視康熙壬寅年加大一

尺邑民屋浸崩者知縣官文雅給濟龍民感之

列憲深加予焉

十九年甲戌九月初隕霜殺禾

二十二年丁丑春大旱米貴知縣王永熙發倉平

糶 冬除夕雷震

二十三年戊寅正月大雪三月大雨雹 時斗米

四錢知縣王永熙復發倉平糶

二十六年辛巳十二月大雪

輿圖

輿之有圖猶人之有面目也面目不分則四肢百骸無所安置細核前志潘則脈絡分明然僅撮其大綱遺其什五周仍其舊盛較前略備而先後互異廣袤懸殊 圖 蒞龍五載足跡幾遍四郊地理形勢罔不昭然在目猶復訪紳耆中有學識者交相印証分晰詳註命工繪為圖雖數百里之地尺幅可稽若夫陵谷變遷今昔殊號註於地名之旁以備觀覽縣城圖亦倣此義云

龍川縣志 卷之二

興圖

興圖

興圖

興圖

興圖

興圖

興圖

興圖

興圖


龍川縣志 卷之二 興圖




龍川縣志
卷之二
輿圖
三



龍川縣志
卷之二
輿圖
四



縣城圖



輿圖







百濟約江定南縣界與高平界圖

無




雍正五年會勘立石

青龍約青坑與江西長壽縣黃鄉堡兩塘分界之圖 東



雍正五年會勘立石



盛熙祚曰按龍縣於秦置今自趙佗始粵地爲獨
古在昔幅幘之廣不啻數倍於今自晉以後析置
長樂興寧河源等縣隋以降置循州沿革不一明
省州爲縣至武宗朝新建伯王守仁平泐賊又析
置和平視秦縣地直彈丸耳然地當水陸之衝崇
山峻嶺四境廣袤尙四百里而遙視周封建之制
則又過之志乘首列輿圖所以別山川辨土田使
觀者井然在目亦周官大司徒職方氏之遺意也
撫斯圖者當深生養安輯之恩焉不徒視爲畫疆

分界以別一邑之山川土田已也

(Faded text in columns)

龍川縣志卷之二

(Faded text) 知龍川縣事長白書圖翼南甫纂

建置沿革

周禮惟王建國辨方正位匪直大邑以之卽建官列職猶是也溯龍川之舊西接南海東連朱崖可抵今之大府後乃僅有一隅其變遷亦不一矣因考其建置沿革而以疆域之屬附焉

龍川禹貢揚州南境周初藩服春秋爲南越戰國屬楚曰百粵秦置龍川縣屬南海郡始皇三十三

年遣任囂趙佗擊南越平之以囂尉南海佗令龍
 川邑有龍潭自嵒山分注會于川故名秦政不綱
 佗被囂命自王漢高封為南粵王元鼎六年平越
 復龍川東晉析置興寧太和間析置雷鄉南齊析
 置新豐河源陸安梁置梁化郡以龍川雷鄉隸之
 陳仍其舊隋開皇十一年廢郡置循州總管府大
 業初以龍川為郡唐武德初復置循州天授二年
 改雷鄉郡天寶元年改海豐郡以雷鄉縣隸之乾
 元初復為循州五代時南漢析循州置貞州宋開

寶四年仍為循州復置龍川縣為州治所宣和初
 改曰雷江尋復元至元十五年立循州路總管府
 屬廣東道二十三年改為散州明洪武二年省循
 八惠龍川隸焉正德間析置和平縣

高麗表	南粵國		
秦	總部	郡	縣
始皇三十三年	遣任囂趙佗擊南越平之	南海	龍川今龍川長樂興寧河
二年	置三郡	以囂為南海尉	源和平地以佗為龍川令

龍川縣志 卷之二 年表

二

二世元年

漢

高祖十一年

武帝元鼎六年

交趾部

年

龍川令趙佗據之漢元年自立為南粵王

南粵國

遣陸賈封趙佗為南粵王

南海

龍川

南粵平復為南海郡屬交趾刺史

獻帝建安八年

年

十八年

荆州

南海

龍川

以刺史張津請改交趾為交州置牧

時復禹貢九州故併交屬荆然交州實為孫權所據

昭烈章武二年

年

吳廣武元年

吳主權始建國復置交州

交州

南海

龍川

帝禪建興四廣州

年

吳分南海等三郡為廣州餘仍隸交州

南海

龍川

交州

南海

龍川

會交陞亂平之除廣還併交州

十八年

吳永安七年

廣州

南海

龍川

復分交州置廣州

東晉

廣州

南海

龍川

東官 析南海置今東莞

興寧 析龍川置今長樂興寧地

帝奕太和

廣州

南海

龍川

雷鄉 析龍川置今龍川地

南宋

廣州

南海

龍川

南齊

南齊

廣州

南海

龍川

析龍川置

新豐

析龍川置

河源

析懷安置

陸安

今龍川地

東官

梁

廣州

梁化

析南海
置郡今

龍川

雷鄉

今龍川

陳

廣州

梁化

龍川

雷鄉

今龍川

隋

高祖開皇十

時併省州郡
廣避煬帝諱
易為番州與
循桂置三總
管府

循廢梁化郡
置州治歸

省龍川入河源
省雷鄉入興寧
統歸善博羅河
源新豐興寧海

中一年

十八年

循

統歸善博羅河

煬帝大業

龍川廢循置

統歸善博羅海

豐河源興寧

龍川縣志

卷之二 年表

五

唐	高祖武德五年大業	太宗貞觀元	中宗嗣聖	高周武氏天授
循州龍川郡復	循	循	嶺南道	嶺南道
統歸善博羅海	豐陸安河源石	城興寧	雷鄉郡	雷鄉郡
統歸善博羅海	豐河源興寧	統歸善博羅海	海豐郡	海豐郡
豐河源雷鄉	豐河源雷鄉	豐河源雷鄉	海豐郡	海豐郡

元宗天寶元年	蕭宗乾元元年	五代	大南漢劉鋹	大寶
嶺南道	嶺南道	嶺南道	嶺南道	嶺南道
海豐郡	循海豐復州	循徙治雷鄉	貞州析循置	齊昌析興寧置府今
雷鄉	統歸善羅揚海	雷鄉	豐河源雷鄉	豐河源雷鄉
雷鄉	豐河源雷鄉	雷鄉	豐河源雷鄉	豐河源雷鄉

宋大寶	廣南東路	循	龍川	雷鄉復
太祖開寶四	年	循	齊昌	府復

仁宗天禧四	廣南東路	循	龍川	龍川
年	年	時貞州避御名改惠	齊昌	齊昌

神宗熙寧五	廣南東路	循	龍川	長樂
年	年	循	樂	樂

徽宗宣和二	年	循	統雷江	龍川
年	年	時惠改郡博羅	長樂	興寧

高宗紹興三	廣南東路	循	統龍川	雷江
年	年	循	長樂	興寧

元	廣東道宣尉	循州路	統龍川	長樂
世祖至元十	司	寧	寧	寧
五年	五年	五年	五年	五年

十六年 廣東道

循州路

統龍川長樂興

時陞惠為路

寧

寧

二十三年 廣東道

循州路降

統龍川長樂興

寧

寧

成宗元正元 廣東道

循州路屬惠州

龍川

年

泰定帝泰定 廣東道

循州復隸宣尉司

統龍川長樂興

卅元年

寧

明 廣東行中書循

龍川

太祖洪武元 省

長樂

五年 廣東行中書惠

興寧

省循入領

龍川

省

洪武九年廣東布政使惠州府

龍川

司

武宗正德十廣東布政使惠州府

龍川

太六年 司

析龍川地置和平縣

國朝 廣東布政使惠州府

龍川縣

世祖章皇帝 司

順治三年

粵稽揚州北至淮東南至海龍去海不遠故為揚州南境尚書首言堯撫南交定為荒服帝德之光丕冒海隅日出禹平水土致南海方物周武王十有三年初定南海為藩服十有八年夏王南巡狩太師陳詩至于南海成王八年春正月己巳朔王初蒞祚藩服來賓龍介廣潮其開闢自宅南交始顯故南越志舜時有五色龍乘雲氣出入沿革表自秦始者志郡邑也

論曰龍川秦縣名歷代沿革不一今復仍舊蓋其

地為嶺表要區蘇子由志畧云東接梅潮西連汀
贛據上流而撫治之一雄鎮也

疆域

南嶺志云...

邑多山谷蜿蜒起伏迤邐數百里明隸惠屬之一

域民凡八里距府東北三百六十里嘉靖初都御

史王守仁平泐寇裁和平巡檢司設和平縣割仁

義廣三二都隸之地益儉為都四曰折桂曰寧仁

曰廣信曰興樂此都先割長樂今復隸龍為里六折桂一寧仁

二廣信二興樂一

東至綠水舖長樂界一百里西至柳城村河源界

二十里南至金魚村長樂界五十里北至吉祥石

下安遠界一百四十里舊志水背村誤也廣東西共一百

二十里袤南北共一百九十里東南距西北四百

四十里西南距東北四百二十里由西南下至省

五百六十里水陸程至

京師九千二十里水至和平陸至龍南達北京可省

八百餘里

山川

...

大塊中忽兀昇聳千仞之勢忽蕩漾衍一派之長
 至為岡為陵若泉若井皆分流峙之餘以擅造化
 之奇者也龍邑自羅浮衍為九派蜿蜒而趨結為
 嶠山突兀而立邑治主之天馬金魚東南諸山環
 而拱之如揖如侍不二十里石壁蹲踞有虎豹當
 關之勢憑高眺之太乙西指度水三道羅浮一水
 會于上流罄折于前龍潭歷溪徑以滙于湖遵西
 而南抵東以歸于江勢亦壯矣志山川
 龍穴山南越志云舜時有五色龍乘雲出入此穴其

天穴潛通于海傍入洞庭吳都賦云目龍川而帶垆

見通志疑
即龍潭

嶠山縣北二十里高約五百餘丈週迴百里許祖羅
 浮脈九連此其一小支也山半有潭三龍潛焉旱
 禱輒應舊志云龍潭飛瀑如練分為三派下流入
 於嶠湖上有嶠峰書院遺址
 白雲巖嶠山之陽去縣八里甚幽爽內可容百十人
 白雲常封之太守陳偁題名鑄石
 雲霽峰即嶠峰也八景之一

天柱峰在罄山西一名金筆峰地理經云邑後有此
峰主人高壽

天厨峰罄山之左蔚然深秀

白雲洞罄峰之下幽雅絕塵語笑鏗答澗泉會于龍

潭宋王尚書暨同遊有倡和詩殘碑半片不可句

讀矣

天臺石罄山頂上平正十丈許旁之水簾洞有奇花

異草及奕局

天硯石罄山天柱峰上極圓頂上有池注水雖旱不

竭

湖山在罄湖畔明僉事施儒築湖因建湖亭名曰湖

光有記

通志白鷗
山卽此

龍臺巖去縣八里上有石如臺望之烟樹微茫全龍

在目八景之一也內有觀音像前有寺有池宋紹

興十有九年二月乙卯循守韓京勸農于此賓僚

張亮輩二十人同集潮陽袁煥題名有石刻

南山在縣治南上有古寺俯瞰江流城闔在目亦一

麗景也上有蘇次公陳次升二賢祠明僉事雍瀾

知縣袁光儒建寺之右有意在亭守禦所蓋一鵬建

東山在縣治東隋大業間建寺與塔因山名寺乃八景之一宋吳潛寓焉寺廢夜嘗吐光今漸復

案山方平如几邑治面之乃名下有潭獨石中立光

圓如珠

通志海珠山卽此

望高山縣東五里有王汝礪遺蹟

午丁山縣南十五里尖峰插豎目爲文筆

丹鳳山縣南十五里與午丁山相接

誥山邑後三里形如誥軸

白嶺縣北五十里與磬山相接

卽邑少祖山也

金魚山去縣南三十里雨中遙瞰峰若雙魚鼓鬣欲

騰故名又稱丫髻

上蒙山縣南三十里雲氣常蒙乃名

玳瑁山縣東八十里石中有黑白斑點似玳瑁故名

半山之巖有仙女像鄉人常賽禱焉

大雪山小雪山縣西北一百十五里其脉從紫雲隆

冬積雪彌月不消

霍山縣東一百里高七百餘丈周七十里平地突起
上有文殊巨跡下有靈山寺基峰巒巖石著名數
者十太乙插天甘泉時溢秦時霍龍避世山中遇
異人得異術故名輿地紀勝云爾雅曰大山官小
山霍舊記云霍山峰巒秀聳凡三百六十可居者
七十有二多海中草木上有石壇又曰山有天門
天然如鑿成或遊諸峰者從此門入有大獨石峰
高千餘丈絕頂有石室有大佛跡峰石上有神跡
十四旁有黃牛漿泓澈照見毛髮小佛跡峰去大
佛跡峰五里石樓峰與大佛跡相亞勢如樓臺上
有履跡又有仙遊峰辟支堂石甕泉犀牛池搗藥
臼煉丹竈其勝亞於羅浮巫三祝霍山志云時值
蘊隆望雨忽觀天際有橫山嶙峋峰影巉巖一如
霍山諸石參差聳列大小林巒可以區分而指數
者鄉人謂之曰霍山石影現不出三日雨矣自來
皆驗其雲影不拘方位

霍山巖在霍山靈山寺內有諸伽藍像及鐘鼓輪藏
之類夏秋之間叅禪者雲集遊人亦不絕

太乙巖霍山之上有三清聖像又名東極清華宮
哲蹟巖靈山寺之左太乙之右也內有王汝礪朱何
像

碧桃洞霍山之前傳云呂洞賓舊遊有東風滯酒不
歸去老却碧桃千樹花之句

靈龜洞霍山中仙女逕石孔通焉內極深邃別有洞
天五石逕長丈餘伸縮若龜狀乃名

黑猿洞在靈山寺右援石而上一竅通焉內有石几
座蘭桂之香徹于四時昔人遊霍山留宿於洞月

下見三黑猿談笑目若因名

仙臺石霍山頂上飛雲最高處

米穴在霍山青華觀即太乙巖也巖內一穴唐會昌

中有米從穴出可供十餘人後有僧將穴鑿大欲

其多出乃止巖後有醴泉昔時出酒味極清異日

滿數斗今泉孔出水猶帶酒味 見省志

獅子石去縣五里俯江流以其形似故名地理經云
邑之天關也

虎頭石邑西八里形如虎坐仰視地理經謂之地軸

鐵龍山在城東北二百二十里近江西定南縣境

龍池山在城東北一百九十里上有龍湫禱雨多應

牛眠石廣信都縣東北一百餘里內有巖鄉人及商

賈建南海廣利王廟于上祈禱輒應

東龍江卽邑之東江也源自江西長寧會定南水至

十一都滙西江至東水與湫溪合流達邑治而西

抱經河源以趨南海通志云源出龍穴山乃自其

一支者言之舊志作安遠水誤

雷江卽龍潭所出者左從白雲巖出右從白雲坑出

皆注鰲湖東與大江合通志云出龍穴山

羅浮水從九連因其祖山而名由龍南陽陂達烏虎

鎮至龍川

洪橋潭邑西二里宋紹興十七年父老黎庶言二月

初吉有黃龍白日昇天

溫泉邑西十里天柱峰之麓有大石下湧泉從三穴

沸熱可熟非沃以別流弗敢濯亦八景之一也萬

歷七年正月三日知縣林庭植勸農于西郊濯而

樂之邑父老咸會紳士沙一佩沙鶴齡沙道初沙

太治實主之是夜山靈見人投以數石徐徐而遁
泉上有大石如屏因命鐫之以紀歲月復于兩傍
開地丈餘甃以亂石構亭其上曰觀泉亭

鰲湖在城西北環五十畝龍潭之水注焉蘇穎賓築
堤引水灌于城濠導之東以決于江後壞端平三
年循守宋詡重修鑿石渠于西以瀉其潦下有潭
如月名曰秋月灌田百餘畝宋元時廢明嘉靖間
僉事施儒力復之四十二年復決湖廢萬歷六年
冬知縣林庭植議復築之并葺舊堤鄉官劉應龍

沙道初千戶吳學詩曰侯勤邑事舉百廢工費且
煩吾何以助乃度西南陰湖田計畝均派銀兩倩
工築砌主簿龐文卿典史李銳咸經理焉二月告成水
從城濠東遠于江乃建亭于湖西石麓卽湖光亭
也明末湖涸亭亦廢

國朝康熙十九年署知縣李文獻復築瀦水二十年又

決水注射北角城脚遠過西門向西流矣

明因耕
鰲湖底

成田收其租
歸學香燈用

蘇堤卽蘇湖在鰲湖之東蘇子由築元至順二年堤

龍川縣志 卷之二
潰後水乃西今復東注

柳塘在縣北三里許周圍八十餘畝白雲巖水注焉

端平二年郡守朱挺築堤取水灌田三百餘畝四

圍栽柳故云

天湖邑後三里平地中浸半畝許水長清不竭

犀牛池霍山頂上浮正之境水澄清一畝許有石偃

臥如犀口嘗噴紫氣

三沙洲東山下百步許沙有三色昔人目爲吳潛靈

跡

趙王井在光孝寺內佗浚也味甚清涼城西南數百

家取給不竭染熱者飲之而瘳後湮

國朝知縣盛熙祚浚又知縣王永熙于丁丑年重浚有

記

育秀泉儒學東廡明成化己亥知府張璘浚有記

國朝盛熙祚重脩

城池

古者設險以守國金城湯池所謂勇夫重閉也龍

之有城不知朔于何時而舊志云趙佗築城鑿池

龍川縣志卷之二
不知今之龍川非其舊矣此何異作嚙語耶茲但
卽其可據者載之志城池

龍川縣城始築無可考明洪武二十一年因寇圯

守禦千戶李賢築之

都指揮花茂請立龍川守
禦千戶所故賢至築城

順六年副使陳濂始浚城隍深七尺引龍潭水入

西濠通城南東遠弘治元年按察使陶魯復築高

一丈八尺周圍七百二丈三尺雉堞九十八四門

上有敵樓外有月城五年僉事袁慶祥增置窩舖

二十四正德三年知縣傅鼎千戶吳德潤分砌月

城四及門嘉靖二年僉事施儒檄知縣韋邦憲復

隄熬湖建學城北引龍潭活水東流達于五里東

寧橋濠漸廢民據爲業四十四年寇亂兵備道副

使王化捐俸闢建北門以便城北居民避不虞之

警萬歷六年巡按御史龔懋賢准分守叅議李盛

春議增雉堞裏城俱高三尺內城脚擴馬路八尺

外復前侵周圍城脚萬歷七年知縣林庭植申請

築熬湖濬舊濠引龍潭活水遶城而東會于河又

濬城北濠水東注襟帶環抱始復古主簿龐文卿

典史李銳督工因建五橋尋廢

長春橋在小東門外濬濠得其舊輦因之

通江橋在南門外

惠郊橋在西門外

接龍橋在北門外嘉靖間建門舊無橋創建

引湖橋在新城北閣舊無橋創建

東河隄因河水分流衝射東邊城脚知縣文師大詳
請題捐截上流而築之水歸東山閣下併流與城
為帶近隄龍王廟迴瀾書院一時同建自乾隆十

年起工至十四年止十五年大水隄尾潰併壩之
舊天后宮宮前二榕樹俱塌十七年大水書院浸
頽者數間今邑士民遷建天后宮于壩心地

附

明邑令林庭植請復舊濠申文

為復舊濠回文運事本年九月初五日據通縣鄉
官劉應隆舉人劉眈監生黃孟經生員傅一鳳約
長李欽里老駱中敏陳祚等連名呈稱邑有城有
濠所以設險相為表裏古城北地曠築鰲湖注龍

潭一帶活水以備北險引湖水入西濠遵城而南
溯流而東會于河大河左遶潭流右抱風氣攸聚
舊志載水流東甲是也昔羅孟郊王汝礪輩出彬
彬可驗弘正間水仍故道士尙通顯民猶用寧邇
者湖水西洩濠緣以廢民各收爲園地不便城守
實爲可虞兼致兵戈時擾人才罕出雖云人事實
關氣運見蒙臺下新巒宮開文會作興士類百廢
具舉獨此最爲急務實再造文運之主幸遇高城
深池因而疏通正復古濠之一機也等情到縣據

此該本縣知縣林庭植看得城濠設險關係匪輕
旣係故道可無疏濬但中間民居有無干礙輿情
果否翁從已經帖仰六圖里老駱中敏陳祚等查
勘去後隨據各役回稱遵依沿查北角起大東門
止一帶軍民住管屋舖魚塘菜園俱係傍城原額
官河城濠蓋屋放魚住管等情在案緣查城以衛
民濠以護城從來相爲表裏豈容民間私行占管
蓋緣先年兵亂村落之民逃避縣城權宜在彼搭
蓋棲止遂致奸豪之家倚便越占或稱下帖或捏

陞科詢其由若有憑據究其實俱屬影射既經通
縣士民呈請開復前來又經里老人等查係原額
官地相應還官疏濬以便防守以回氣運且沿湖
田地四百餘畝灌蔭有資環河居民數百餘家汲
用尤便合就申詳蒙分守嶺東道批城濠關係保
障既查奸民影占如議還官開濬以愜闔邑輿情
阻撓者重治繳兵巡道批既查濠池被民占住仰
諭令速退還官開濬永垂保障以快衆議繳惠州
府批仰候兩道詳示行繳

城原四門各有兵馬司大東門司二在右直一丈一
尺橫二丈二尺南門司一在左橫直各一丈二尺
西門司二在右直二丈四尺橫一丈內一間今造
城隍廟門小東門司四在右直二丈七尺橫共三
丈四尺以上俱守禦所收稅北門新創兵馬司未

立教場後地稅
舊供所硝磺

國朝康熙六年知縣彭峻齡捐修城樓三座整砌周圍
雉堞二十五年知縣沈廷相復修

潘好讓曰城池爲險設也雉堞凌雲下無復隍直

突等耳爲徒薪計者宜峻未然之防龍之清流曰
龍潭先正有言唐宋由東遶蘇文定築堤捍之古
人物戶口十倍于今謂水不宜洩風土爲宜堪輿
之說不可知大都澤國多環抱者何守險聚風氣
也君子謂高城濬池有百世之功城北小城明弘
治十八年義官劉倫沙清呈請築城于縣城之北
名曰新城計百餘丈

上五里城明嘉靖四十一年建東至罄塘西至東寧
橋南至壩北至白雲水界東西二門有樓北一水

門明末寇陷廢

下五里城明嘉靖四十一年建東至東寧橋西至小
東門城外南至壩北至社子頭一帶東西北三門
俱有樓明末寇陷廢

下郭城明嘉靖四十一年建東至南門外西至驛前
南至壩北附城池東西二門有樓水門一明末寇
陷廢

田心屯城周圍二百六十五丈高一丈二尺城門四
座及樓明弘治十七年流賊劫掠通衢司驛築土

垣正德十一年因寇亂自輸財呈詳築磚城

通衢城因寇亂明嘉靖四十四年八月鄉官張大綱

生員劉邦羨等具呈本道方逢時申詳撫按始建

周圍四百零八丈六尺高二丈一尺五寸東西門

城樓二座南北三小水門各小樓共用銀二千零

八十二兩巡按陳聯芳銀一百兩都御史吳桂芳

銀一百五十兩兵巡道方逢時發銀一

千二百五十兩又續發三百五十兩潮州府同知

羅發銀十兩分守道陳紀銀一十六兩兵巡道張

子弘銀五兩老龍魚苗銀九百兩老龍賃稅銀一

百七十六兩零係所吏目袁應洙督抽餘皆民間

出辦嘉靖四十五年告成二百年來日就傾圮

國朝雍正十二年知縣盛熙祚重修通衢巡檢司趙

洪益督修之功實多

林庭植曰夫各坊之城如田心屯新城久設其他

則未征張璉以前無有及兵戈橫沸房舍毀圮殆

盡繫舟延三十餘里河流障塞邑附郭乃設四城

視外戶不閉之風遠甚噫龍當水陸之交即他地

方有事皆為警備非以防盜即以防兵龍之民困

甦者幾何城雖郭外實增縣一藩籬宜時加修葺

令地方自相警夜俾永勿壞

街道

城內

一縣前橫大街自西門兵馬司直抵東門兵馬司

一自東門北轉大街至東江廟前迤城脚一帶俱有

空池

一自江東廟前興賢街北行大街直抵北門城脚

一儒學前橫大街自東牌坊至小東門兵馬司又名

新城街永樂間增廓城池故名

一察院前大街昔名迎恩街直抵南門兵馬司

一所側街口大街北行直抵北任指揮屋側

一所背大街又名錢塘街白鹿書院側有老嫗塘內

拾錢一擔歸之官因名遶抵北城脚通北門

一嶺東道側街北向直通老城街至縣後遶通北角

一張千戶門前大街東自後堂街口西抵北角塘

一周圍城脚俱有馬路或大街

城外

一南門外迤西直街一帶至大河

一南門橫大街至管驛前下往山川壇上通五里及

東壩

音ノ州志卷之二
一 大東門直街抵河瀝至東壩教場

一小東門外兩傍官地今民舖直大街至登科坊轉
角北上直至五里東寧橋又名熬津橋橋背舊有
堡寨門一座左右門礎約丈餘礎左皆空官地後
爲迎春亭有賓興坊爲同知古堽立寨門內左通
新府內右直上至東岳宮龍津橋路通梅村

一小東門出一十步北轉街遶城濠北通社子頭西
通新城內

一小市街卽東壩坊街商賈最多明嘉靖丁酉被水

淹浸貿易稍廢辛酉被兵燹辛未被水民居蕩析
古不可復

一 西門外直大街左通驛前右通熬湖及社稷壇北
通州學南通大路田塔下

一 周圍城脚俱有馬路或大街

坊都

盛熙祚曰邑在宋爲圖三十有八明承凋耗又分
其地爲屯田今版籍僅六里耳明制邑編爲里里
編爲甲在城曰坊附郭曰廂在鄉曰都卽其人民

音川縣志 卷之二
三
之有田土者以爲之長凡簿書期會征絲實惟司
之謂之里長立法非不善乃法久弊生復有里排
答應名色額外誅求斯民朘削日甚明邑進士巫
世公閭閻疾苦一疏至詳且悉

國朝邑令彭耿諸公皆能漸除積習然猶未盡汰也我
世宗憲皇帝臨御之初子惠元元釐革錮弊雖在

九重之遠不遺邊海之氓大法小廉正供之外絲粟不
累窮黎戶有田疇之樂人無供億之煩普天率土
皆含哺鼓腹之風矣越在小臣敢不仰承

聖化以無玷官箴以無慚夙夜

宜民坊一圖今五里東壩卽其地也人居稠密且親
睦故名宋冊坊長白丁分轄二圖明洪武五年兵
燹殘虐居民凋耗併將善慶折桂二都共爲一圖
卽今在城圖也按善慶廂在城外西南下廓之地
昔人李夢呂好學積德登宋寶祐四年進士第壽
至百餘取大易積善餘慶之義名之宋冊廂長白
丁原轄一圖洪武初併附宜民圖籍折桂都環縣
二十餘里昔人讀書科第最盛因以折桂名之宋

龍川縣志卷之二
冊原轄二圖明初併入宜民共爲二圖尋併一圖
今黃冊所載田糧俱屬折桂都但圖籍宜民坊也
寧仁都去縣二十五里至九十里所統地名下泡嶺
西田心通衢會田四都蓮塘義都之地宋冊原轄
四圖明初兵燹改州爲縣田心嶺西民田設立軍
屯二所以太和仙德等都併入寧仁共作二圖卽
今寧仁都一圖二圖在冊當差按太和都去縣八
十里之外地名長坑張坊上寨甘陂等處所屬鄉
村卽其地也宋冊原轄三圖明初兵燹人民亡散

本都田糧土名尙存在冊併入寧仁都一圖二圖
籍內矣仙德都去縣一百五十里之外地名田心
洋田洋背霍山所屬鄉村之地義誠鄉亦在此地
統屬之內人民淳實故名宋冊仙德原轄三圖明
初併入寧仁都一圖二圖之內今本都田糧土名
依舊明載在冊故額猶可考也

廣信都去縣二百餘里外地名黃埠楓坑湯湖車田
上莒進賢鄉一半等處統屬之地宋冊四圖明初
民罹兵燹散亡殆盡州改爲縣洪武二十一年奏

立守禦千戶所將上莒等村設立軍屯一所併將
高賢新義寧泰三都附入廣信共爲一都卽今戶
口田糧攢得廣信都一圖二圖在冊當差成化壬
寅戶口日增該都里排謝仕英等呈奏增圖將本
都析出立籍人戶朋湊本縣各坊都添設廣三一
圖卽今古寨蘇布坪等處之地嘉靖壬午設立和
平縣治將廣三一圖撥隸和平按高賢之地去縣
九十里外卽今地名東水迤東河左上至巖下合
河口十一都巡司遷河鄉村至白石王田龍坑白

佛進賢鄉一半所屬村落是也昔本都人曾楷徐
虛中每登進士高第因名之宋冊原轄四圖明初
兵燹逃移幾盡宣諭老人劉玹招集復業者十僅
一二併入廣信一二圖之內但本都田糧土名今
猶在冊洪武二十一年將本都周謝巨寇殺掠土
名盧輦等村荒田設立興隆軍屯一所皆高賢之
地新義都去縣一百五十里外地名石圳駱岐抵
興寧界宋冊原轄五圖明初併入廣信一二圖之
內本都田糧土名猶載在冊寧泰都去縣二百里

之外地名合河起直抵興寧長寧定南三縣連界之地即七約地方宋冊原轄八圖明初兵寇屠掠獨甚此地人民逃竄鄉落空虛委義民劉信章等招集復業省入廣信都一圖二圖之內但本都田糧土名今猶載之在冊仍其故額

興樂圖去縣東五十里之外地名金魚丫髻陂下等處所屬之地原隸本郡之士宋熙寧五年增置長樂縣此圖析分附焉嘉靖壬午分析舊管和平仁義廣三三圖湊立和平縣治將長樂舊管興樂一

圖共湊六圖以當龍川之差按和平圖去縣一百六十里外抵龍南界泐頭岑岡烏虎鎮皆本都極北邊境之地原立巡司以鎮守之嘉靖壬午分析和平縣治此圖即今和平之附郭也仁義都一圖去縣北六十里之外一併割分湊隸和平即今東水自西以上灘坪嶺崙林寨彭寨之地石頭塘自北以上莫塘曾坑濁溪黎樹下之地皆其屬也查通縣宋額原轄三十八圖明初併作八圖今止六圖按和平仁義二都地理迂廣較之古昔太和仙

德等都不啻加倍宋冊太和仙德俱各原轄三圖
則和平仁義亦不止於一圖斷可識矣但此二都
舊志無考今亦屬之和平縣姑緣其舊

附

明邑進士巫三祝疏稿

吏部辦事進士臣巫三祝謹奏爲直陳閭閻疾苦
籲天剔弊以甦子遺以培國本事臣竊惟天地長
養根莖向榮堯舜馭區匹夫被澤矧直下邑之凋
殘萬民之疾苦蔀屋無光流亡載道敢不仰瞻天

日一爲陳之臣聞徭差之制行之國初沿久弊滋
民苦其役乃始創立條鞭之法照依正數派分四
差征銀入官均平僱募本等差役之外不許分釐
加增歲有定額差有畫一上無征誅之擾下省供
應之繁至今普天下賴之不謂萬方載德一邑向
隅如臣惠州府屬邑龍川非不糧差編納如故也
近十數年來未知作俑其誰將通邑差銀已完在
官者挪入私囊不復分毫支給公然法外橫徵更
將民戶照數多寡額外派差衙門密報殷實拘充

里排答應值日輪番詭名大日役既無名課因無
準朝輕暮重除徵收丁糧加餉雜派外計有糧米
一斗者別派大日銀一兩七八錢多至二兩餘者
重徵苛斂弁髦法度賴今見任知縣宋奎光節愛
爲心瘡痍厪念事從省減十芟五六百姓暫貼裨
席誠恐未經奉上條約縣官遷轉不一將來有憚
墨不肖者援引陋規復肆朘削日甚一日民靡孑
遺蓋此弊惠州一府皆然而臣邑龍川異甚龍川
僅編戶六里道當閩廣衝繁答應殆無虛日官府

毫不知恤取盈正派丁役之銀又更督令充役按
月輪當一值其月無論上官往來夫馬舟楫儀饌
帳具及一切吉凶祠祀事務悉出其中卽邑令之
日用宴會交際禮儀或往叅府道僱夫船隻供具
所用下程紙扎柴炭瑣屑皆票着從重折納期於
充美且昨不及料今早不及知晚卒然有用盡責
立辦小吏隸卒乘機取索借一科十追逐雞犬其
在城市之民情面稍熟或可挪借鄉曲愚民初履
城市舉目無親如一几褥杯箸臨時無措倍值賃

置慣衙積蠹因而催促窘迫恐嚇包攬愚民利於
稍緩鞭扑支吾狼狽惟恐稱貸無門破屋傾家有
不暇恤惟是徭役一至千金立空豪富者或暫可
支持貧困者間得以倖免中產之家差之所及不
得言貧而力之所出實難供役竭數年之蓄不足
以供一日之費而產垂盡矣產雖已盡役猶未已
望富豪而稱貸剝枯槁以補償罄貲廢業質子鬻
妻奉楛盈犴逃亡載道譬之焚田而狩竭澤而漁
臣前見中人之家拘充徭役未及兩月父母妻子

離散身軀轉填溝壑恫心駭目大可憫憐夫正糧
差餉奉公完納好義終事國計攸賴何忍復令剝
肉剝膚以供額外之徭使至於此極耶緣龍川山
邑民淳寧斃不傷其父母是以十數年來法外橫
徵禍累慘酷卒未敢越訴亦自國朝以來未有甲
榜巨紳建言利病中有懷而莫吐雖言之而不肯
詳撫按卽時時奉頒明諭竟以鞭長之故山邑玩
褻自如也臣蒿日多時矢心有素幸與龍飛籲俊
之選適逢止輦受言之時用敢瀝陳聖明之前懇

乞嚴敕廣東撫按諸臣申飭禁條祛弊務淨各府州縣果能勞心撫字悉除陋規者從優陞擢中有衙蠹壞法生端獻媚者訪出提究庶幾苦役可蠲民生可培得以畢力正額糧差永戴堯天舜日於無疆矣臣祖庠父舉比例優免未曾經受剝削但念平民膺苦甚於自累冒瀆宸嚴無任激切惶悚之至崇正元年三月某日奉旨近來府州縣官不以恤民爲念擅役鋪行票取貨物額外橫差剝吸膏髓龍川一邑如此他處可知這本有關民瘼仰部卽行撫按通加申飭如有前項橫差擾民的不時奏劾從重處治該部知道

康熙十四年北門外士民竭力守禦城池知縣彭峻齡念其忠義永免北門外保長雜役後乾隆十三年知縣盛熙祚清查據紳民等呈稟復批如前康熙五十八年生員邱天相唐堯祚曾集成等因官坑上下兩橋半石白佛蓮塘等約近于大道答應夫役偏累呈請各憲立法革除泐碑縣衙頭門

附食鹽

乾隆二十七年知縣書圖詳准照舊便買官鹽所
有 憲批並詳文公呈開載于後
連名具呈進士巫榮舉人黃南偉曾廷玉楊廷釗
王弼謝汝佩貢生羅繼祥生員黃良拔巫居廣曾
展謝纘烈監生黃世俊何炳文子民袁美玉劉煥
何天保鄧雲山黃河清曾四璉吳文海等爲瀝情
籲叩懇 恩詳請照舊便買官鹽以恤窮黎以安
農業事切龍邑僻處山陬場竈甚遠到境私鹽向

來甚少自縣屬設埠以來民間盡食官鹽惟是境
內地方遼濶兼之層巒疊嶂陸路崎嶇總埠設立
牛皮潭僻處縣屬西北僅有在城黃背嶺子埠二
處約堡甚多村落遙遠其間近者百餘里遠者一
二百里不等龍邑風土淳樸小民力勤耕作通邑
約計務農者十居七八終歲兩造農事實屬殷忙
赴埠買鹽往還跋涉動輒廢時是以向來民間食
鹽係近埠無業居民赴埠買標肩販官鹽沿村零
賣在紳衿富戶之家買食固甚便利卽有貧乏之

戶勢亦不能食淡一時無錢赴買往往向賒食用
陸續償價更有業農之家或米或粟隨便易換而
官鹽肩販周流熟識主顧相安是以遠埠約堡居
民竟有比戶盡食官鹽而並無一人足跡到埠者
此龍邑向來買食官鹽實在情形榮等世居茲土
積久相安茲奉 上憲行令查照烟戶丁口分別
上下二則計口銷售令食鹽之戶赴埠買鹽給標
收執按月稽查如無埠標者卽繩以法如此則舊
日肩販盡皆不到在衿富之家尙可遵循赴埠買

食而業農小民以及貧乏之戶或迫于農務殷忙
無暇遠赴買食或值於一時拮据無從設措分文
勢必盡皆食淡迨至稽查之際無標出驗卽或有
標而不能足數在力作貧民固蒙矜宥而應銷之
戶必冤坐食私之罪縱無胥吏滋擾必受保甲牢
籠此等苦衷與其臨時籲剖孰若預爲瀝陳伏乞
俯察輿情 恩賜轉詳俾得照舊買食以免紛更
山邑編氓感沐鴻仁世世不休上呈
大父臺大老爺臺前作主施行批候據情察核轉詳

具呈龍川埠商黃永建爲龍邑埠地情形各異懇
賜轉詳以安商業事切龍邑總埠向設縣屬牛皮
潭地方於縣城黃背嶺分設子埠二處每歲共銷
額引四封七分又奉餘鹽改引九分二釐歷年就
地行銷正引原無壅積乾隆二十五年奉文勻銷
高明翁源新興博羅香山湓湖六埠引鹽共二封
有零緣商資本微薄不能按限告拆以致積引繁
多查龍邑銷鹽情形原與別埠不同向係本處無
業貧民赴埠買標給鹽挑賣限日繳銷遠處約堡

並無親自赴埠買鹽居民龍邑僻處山陬場竈甚
遠私販原稀近又蒙文武衙門查緝甚嚴邇年來
並無私梟到境是龍邑居民所食悉係埠鹽原無
食私之弊埠中引鹽藉本處肩販就地銷售日久
相安商民便易今蒙行令查照烟戶丁口令食鹽
之戶赴埠買鹽給標稽查此誠上憲培植微商
杜私裕課至意第龍邑地方遼濶約堡繁多鄉民
赴埠買鹽近者不下百里遠者一二百里不等兼
之山路崎嶇往還跋涉動需時日况埠中旺銷之

汎全在三四八九十等月龍邑一年兩造正係農忙之候而居民大半業農勢不能廢一二日農工爲口食鹽勛遠赴買食必須通縣分設子埠以就民便伏思分運鹽包以及添設子埠一切費用浩繁而所賣鹽價勢難增貴疲乏微商何以堪此茲奉諭行查辦敢不凜遵無如埠地情形實有不同勢難畫一遵辦不得不據實具稟仰懇轉詳俯准照舊行銷實爲恩便爲此上呈

太爺臺前 恩准施行批候據情察核轉詳

惠州府龍川縣爲瀝情籲叩懇恩詳請照舊便買官鹽以恤窮黎以安農業事竊照乾隆貳拾柒年貳月貳拾柒日蒙

特授廣東惠州府正堂加二級又隨帶加一級紀錄七次李 憲牌內開一件爲遵批詳覆事乾隆二十七年二月十六日奉 鹽運使司王 憲牌案查本案先據該府條稟緝私與保甲並行請將龍川等難銷疲埠責成地方官嚴飭保甲稽查烟戶分別上下二則以富矜爲上則每丁每月食鹽一

勛平民爲下則每丁每月食鹽八兩其肩挑力作窮民聽其隨便買食但不許買食私鹽總子各埠官給印簿將逐日賣鹽登記繳查並飭該商設立埠標填給買戶收執以備官爲吊驗如買不足數及無埠標者卽以食私按律治罪等由業經本司核議會詳

兩院批飭遵照檄飭該縣在案查該縣正改勻引日七封有零應銷鹽一萬一千七百二十餘包通縣保甲丁口若干按丁上下二則稽銷是否有餘

抑係不足該縣身任地方自然籌之有素本年春季已逾一月查辦督銷未便稽延合併飭行備牌仰府急照事理卽速轉飭該縣遵照前行先將保甲烟丁確查實數分別富衿平民窮戶三項核計每月銷鹽若干分晰造冊限文到半月內申送本司以憑察核一面給商印簿登記日賣鹽數目並飭該商設立圖記埠標填給買戶收執月終責成保甲將保內買鹽埠標收繳該縣點查察核如有並無埠標及雖有埠標買不足數者定係食私按

龍川縣志 卷之二
律嚴究以警刁風剔除食私積弊章程初定該府務必督率該縣實心辦理以肅鹺政母任漠視因循草率塞責仍飭五日內先將遵辦緣由具文申覆母得刻遲速等因到府奉此合就飭行爲此牌仰該縣官吏急照事理卽速遵照前行先將保甲烟丁親身嚴查確數分別富衾平民窮戶三項核計每月銷鹽若干分晰造冊限文到半月內徑送
運憲併照造繳府以憑察核一面給商印簿登記

日賣鹽數日並飭該商設立圖記埠標填給買戶收執月終責成保甲將保內買鹽埠標收繳該縣點查察核如有並無埠標及雖有埠標買不足數者卽係食私按律嚴究以儆刁風剔除食私積弊章程初定本府不時督率該縣實心辦理以肅鹺政母任漠視因循草率塞責仍于五日內先將遵辦緣由具文徑覆
運憲并本府查核母得刻遲等因查本案先奉憲臺奉

藩憲檄行前事粘單內開緝私與保甲並行一條
查設埠行鹽餉從鹽辦鹽藉民銷無如粵東地近
場竈居民貪賤食私以致引壅餉絀久成錮弊奉
前督憲具

奏各埠從前分設額引原係就地方之大小戶口之
繁簡分別定數率土編氓均應買食官鹽卽如瓊
州一府孤懸海島難以設引分銷民間食鹽聽其
自行耙晒煎用尙將額餉勻攤地丁一例徵輸內
地閭閻旣不自行納課止令照價買食官鹽原屬

毫無苦累惟在善爲勸導不便差擾勒派自于定
例無悖若聽其買食私鹽貽誤課餉身任地方實
屬有忝職守業已嚴飭文武各官實力緝私責成
各州縣將銷賣鹽斤數目按月造冊申繳稽核功
過咸知奮勉等因通飭遵照在案今該府議請責
成保甲查照實在烟戶丁口數目分爲上下二則
令地方官設立印簿發總子埠稽查以杜居民食
私之處實爲疏引辦餉起見俾埠地有易銷難銷
之別若不分別稽銷一律責成保甲恐多滋擾所

有該府屬易銷之歸善海豐陸豐等縣飭該府督率各縣照舊實力緝私疏銷不必紛更滋擾其疲爛難銷之博羅河源龍川和平長寧連平陸州縣應如該府所議飭令地方官責成保甲查照實在烟戶丁口分別上下二則富戶爲上則平民爲下則富戶日食餼饌較平民用鹽自多上則每月每大口食鹽一斤下則每月每大口食鹽八兩其未成丁及力作貧民糊口不遑不在計口食鹽之內但不許買食私鹽聽其隨便赴埠買食並令地方

官設立印簿給發總子埠鹽店登記日逐銷鹽數目及買鹽戶口仍以發鹽時給以圖記埠單留爲買食官鹽憑據地方官于稽查保甲之便弔驗甲內及衾富之家有無埠單如一歲之中全不買食官鹽及買不足數而無埠單可據者卽爲食私無疑照律治以食私之罪至緝私之法一切梟販經由地方必歇宿旅店私販入境必有窩藏市棍一保一甲之中豈無見聞亦應如該府所議飭令地方官嚴飭稽查責令保甲長指名首告審實依法

嚴究其保甲長于照例官賞之外再着埠商給予
花紅以示鼓勵倘保甲長窩私縱私通同徇隱嚴
審究革另召承充並量責居民食私之罪如此試
行一年商民果否稱便私梟能否屏絕再行斟酌
通飭各府難銷之埠一體辦理等因奉此卑職遵
卽出示曉諭一面督同捕巡各官親詣所屬各約
堡內查照烟戶丁口確數分別富衾平民窮戶三
項核計每月銷鹽數目逐細分晰造冊併設立印
簿分發總子各埠飭令各商設立圖記埠標遵照

按月查辦去後茲據縣屬紳士子民等具呈併據
縣埠商具呈各前來該卑職查得卑縣總埠尙設
縣屬牛皮潭又於縣城黃貝嶺各設子埠一處每
歲額銷正引四封七分應完餉費銀三千零二十
九兩有零乾隆二十四年奉文餘鹽改引九分二
釐應完餉銀五百九十三兩四錢二分有零歷年
照額行銷按限完納並無貽悞乾隆二十五年又
奉文勻銷高明翁源新興博羅香山澁湖六埠引
鹽共二封有零復增餉銀一千三百八十二兩五

錢二分八釐五毫龍邑地方戶口頗繁統計正改
 勻銷引目儘可銷售且係僻處山陬場竈甚遠兼
 之水陸衝要設卡巡防在在嚴密外來私販殊難
 入境奈緣該商黃永建資本微薄拆運不繼以致
 應銷引鹽每有積壓此卑邑引壅之由實係商力
 疲乏不能趕拆並非埠地難銷私鹽衝賺之故也
 荷蒙

鹽憲
憲臺

俯念疲商設法調劑詳請行縣封櫃督銷本

年二月又復飭發籌辦清單檄行遵照辦理

憲衷籌畫既詳且摯茲又奉

憲臺議請責成保甲查照烟戶丁口數目分為上
 下二則上則每月每大口食鹽一斤下則每月每
 大口食鹽八兩其未成丁及力作貧民不在計口
 食鹽之內並令地方官設立印簿給發總子埠鹽
 店登記日逐銷鹽數目及買鹽戶口仍于發鹽時
 給以圖記埠單留為買食埠鹽憑據地方官于稽
 查保甲之便吊驗埠單以稽銷數蒙

鹽憲
憲臺

以粵東地近場竈居民貪賤食私以致引壅

餉絀久成錮習核議詳准飭行遵照查辦併飭令
試行一年商民果否稱便私梟能否屏絕再行斟
酌通飭等因此誠

憲臺恤商恤民疏引裕課至意卑職身任地方凡

有益于鹽政之處敢不仰體

憲衷實力遵辦以冀商力埠地漸有起色遵卽出
示遍行曉諭併督率捕巡親歷各鄉按則查辦一

面飭令該商遵照辦理間隨據闔邑士民併卑縣

埠商具呈前情卑職查疏引固莫先于絕私而裕

商尤並貴乎恤民夫埠地情形原有不同而行銷

之法似難畫一卑邑地方僻處腹裏非同附近場

竈私鹽出沒者可比境內在在皆山陸路崎嶇更

非沿海州縣河流通達者相同而且地方遼濶村

落繁多總子各埠僅止三處小民務農者十居七

八埠埠買鹽遠近不一往返實屬需時是以向來

縣屬無業窮民赴埠肩販就地沿村零賣埠中給

與標記限日繳銷以杜販私影射之弊此誠歷久

相安商民稱便官無稽催之擾而民安利食之常

埠鹽課餉均無壅積貽悞卑邑埠地向來銷鹽情形如此也今一旦計口授食造冊稽銷其實並無紛更其名似乎倡舉小民無知每多遽色而且遠處農民令其按戶赴埠買鹽領標往返跋涉不無廢時此行之實不便于民者也如使該商于各約保內添設子埠查卑縣屬內共計四十八約堡五屯如間處設立子埠亦須二十有餘陸路崎嶇運費不貲疲乏商人殊難經畫此行之更不便于商者也總之卑邑引鹽不患于埠地之難銷而患于

拆運之不繼仰體

憲衷周摯亦總期課餉之無虧原無事章程之更易查本年埠內共應銷鹽七封有零現在時已五月而該商運到額引僅止一封五分雖經嚴諭督催而埠中賣出鹽價除給商工伙之外業經儘數解繳毫無存剩無如商本缺乏實難趕運接濟夫使埠地果屬難銷每年于本埠正改引目之外焉能復受陸埠勻銷之引况自受勻以來應完課餉歷年清楚按限奏銷並無貽悞此均在

憲臺洞鑒之中難容稍有支飾者卑職在龍五載

親悉情形斷不敢漠視因循稍存苟安意見用敢

據實轉陳仰懇

憲臺俯察埠地情形實與難銷之埠不同按戶稽

銷商民現在實有未便伏乞

憲恩准賜轉詳卑邑埠鹽仍請照舊行銷聽從民

便卑職仍遵照籌辦章程實力封櫃督銷併一面

移行文武嚴督保甲實力查緝務使私梟屏絕官

引疏通以仰副

憲臺裕課恤商至意為此備由另繕書冊上申伏

乞

照詳施行須至申者

府憲李 批挑往沿村零賣給與埠記限日繳銷以


杜影射更覺便民且與計口授食原行無悖如詳

督銷妥辦毋任充賺仍候轉詳 鹽憲飭遵繳

鹽憲王 批稽查保甲計口授食原係該府條陳議

詳飭遵龍川縣民買食已有不便仰即轉飭該縣

照舊督銷其餘各縣中如有不便之處亦各按該



地情形隨時斟酌妥辦彙報查核總期引銷民便
毋致貽悞滋擾此繳

